

**Presidential Communications Operations Office
Presidential News Desk**

**SPEECH OF
PRESIDENT RODRIGO ROA DUTERTE
DURING THE INAUGURATION OF THE FIRST-EVER NARVACAN FARMERS
MARKET**

(Delivered in the Municipality of Narvacan, Ilocos Sur | 04 March 2022)

Kindly sit. Thank you.

You know I did not know that my Secretary of Agriculture nandito, taga sa lugar pala ninyo ito. [applause] You know, mag-segue muna ako. Alam mo ang sa dormitoryo may kuwarto, ang ka-roommate doon si Dulay, ‘yung BIR, Ilocano, taga-Baguio, pati si Bebot Bello, ‘yung Secretary of Labor ngayon.

Ang kaharap ng kuwarto nila, ako pati si Yasay. Kaya lang si Yasay hindi talaga tinanggap ng Commission on Appointments sa Congress kasi Amerikano pala ang buang. [laughter] Patay na ‘yun so kindly erase the --- kindly... Hindi, hindi ko talaga alam eh. Otherwise, I would not have appointed him.

But you know in my Cabinet aapat o tatlo na lang kaming Bisaya naiwan puro Ilocano na. [applause] Kaya ibigay ko na lang ito isang buwan aalis na ako sa Malacañan, mamili na kayo kung sinong Ilocano na lider ilagay ninyo doon. [applause and cheers]

You should not be surprised actually. I am close to the --- ang barkada ko mga Ilocano, dormitoryo eh. Dito naman noong pagka-Presidente ko, ‘yung mga retired, retired si Secretary Esperon, [applause] lahat ng mga military kinuha ko, almost 12 of them are in the Cabinet ko. Minsan mag-meeting, mag-meeting kami overtime, we face each other across the table kaming mga civilian at lahat na ng military puro retired sila --- about there are 12 or --- ? Oo. Basta majority ang mga Ilocano kasi mga bright [applause] pati mga gwapong lalaki. [laughter]

Hindi masyado ako mag --- hindi ko kabiro itong si Secretary Dar, he is very formal. [laughter] Hindi ko talaga alam taga-rito siya. My link to the Ilocanos --- ang asawa ko --- ‘yang si Inday Sara, ang asawa niyan Ilocano, taga-Paoay. [applause]

So ‘yung anak niya mga mestizo, well, Bisaya, Ilocano, may kaunting Maranao. Halo kami nagpupunta doon sa Mindanao, nagbabakbakan ‘yung mga tao kaya we are really in a good mix. And if you go north --- facing the map, nandito ang Cotabato, just beside Davao City, a little bit farther, ‘yung mga Illonggo ‘yun. But up north, ang una talagang pumasok sa Cotabato noon --- it used to be one Cotabato --- kaya nga there’s ‘yung pagkatagal... Noon maluwang, maluwang na maluwang ang Mindanao. So there was really no trouble and a cause to fight for.

Noong rumami na ang mga ano, most of the Ilocanos opted to stay north iyan ang Cotabato, and North Cotabato lupa ‘yung kanila. Iyong mga Illonggo, well, mas madali magsalita kaya ang

North Cotabato is a mixed. You do not mention sabihin mo na Ilocano-Ilocano, wala na talaga. Mixed sila doon nag-inter-marry ng Muslim --- ang mga Cotabato ang hindi. Kaya doon palagi ang away, land, territory. Alam mo ‘pag marami na ang tao sa mundo talagang nagkukulang-kulang ang space natin dito sa mundong ito.

Kaya nga ‘yang Russia pati Ukraine nag-agawan sila diyan. I just pray to God that this will not really go out of control. Nasabi ko na nga sa inyo maybe probably you might have heard me on TV na ‘pag hindi ito nakontrol, delikado ang mundo. Once they start to push the button of nuclear warheads or nuclear bomb, well, sabi nga ng isang commentator, it will melt the world. Eh 1,000 ang nuclear warheads ng... Eh sa Hiroshima, that was a primitive bomb, Nagasaki, nawarak ‘yung puwesto, flattened to the ground. Eh kung 1,000 bitawan?

Ako naman, we stay neutral. But reality tells me that in the end, we’ll just have to select which side we would be. Now, of course, I know that the sentiment prevailing almost throughout the country ke ma-Ilocano, Bisaya, Ilonggo, Bicolano ang... Hindi ko nakalimutan itong speech I’m talking of the reality. Eh ako kasi umaga pa nagbabantay na ako ng --- bahala na ‘yung magpatayan sila doon. Huwag lang maggamit ng nuclear device because talo na tayong lahat, pati tayo damay. Wala tayong...

I must be frank with you. Noong nagpunta ‘yung Ambassador natin si Romualdez sa akin --- [Was it yesterday or the other day?] --- sabi ni Biden, dala-dala niya ‘yung sulat ni Biden, kaming mga ASEAN leaders about nine of us, papuntahan ngayong March 28 sa Washington para mag-usap-usap lang kung...

But ako naman, I do not hate the people. Eh may anak ako na American citizen. Asawa ko OFW lang sa Amerika. I bore a child, may isang anak kami. So wala akong rason na ano...

But ah siguro narinig na ninyo many times over sa TV that I just don’t like the arrogance of the Americans. Ako personally, wala akong... I do not --- well, some other time maybe --- on TV I’ll talk about it lengthily.

So ngayon, let us just be hopeful, keep our fingers crossed na walang katok doon. But if you were listening diyan sa international channels, I made a statement six years ago before I became a President. Ang pina-describe ko tinanong ako about Russia and --- nagka-ano na talaga ‘yan sila eh --- sabi ko, the Americans will never stomach death and destruction. Takot sila, takot sila.

Sabi ko the Americans will not but you watch out for Putin, he is suicidal. Hindi suicide ano, talagang su... Kaya ‘pag mapahiya siya dito, magwawala ‘yan. And I realized it when I went to Russia. I had a talk with him on all aspects of life, matagal na. Sabi niya na kung magkaibigan tayo? Sabi ko wala ako, wala akong away sa iyo. China pumun --- wala akong away sa inyo.

The Americans ayaw ko, ayaw kong may sundalo na foreigner, be it an Arab, European, ASEAN soldiers or bearing arms, ayaw ko sila sa bayan ko kasi magulo pati ayaw ko lang.

I just want Filipino policemen and Filipino soldiers roaming around the country na nagdadala ng baril, armas, at lahat na. Ayaw ko. Ang problema the bases was abrogated ‘yung ano ng base ng

Amerikano, but they never left. Iyong isang beses nagalit ako kasi hindi nila pinapasok ‘yung isang general, si Bato, he is now a senator. Kaya sabi ko noon ite-terminate ko ‘yung Visiting Forces Agreement.

But I’ll be frank with you, we have no choice. Kaya sabi ko sa --- may sinabi ako sa Ambassador ng --- natin papuntang mag-report... Well, sabihin ko na lang tutal lalabas din. Sabi niya, “Ano daw ang tingin ko sa Amerikano?” Sabi ko, “Ano man --- what can I do? They are all here and we cannot drive them away, not at this time. They won’t go out, that’s silly.” So you have the unrestricted use of our assets, whatever, be it land. Wala man tayong magawa. We are not...

You know, there’s a saying --- dormitory pa kami narinig ko ‘to: “The hottest place in hell is reserved for a man facing a critical issue to remain neutral.” Ang pinakamainit is those who... Kaya we will have to take sides and in --- para sa pangalan lang. Pero kung mag-alis ang Amerikano, mas mabuti para sa akin.

Gusto ko Pilipino lahat, ‘yun lang, period. Maski anong klase ka basta kaharap ko Pilipino, huwag lang foreigner, be it the Chinese or --- hanggang Pilipinas lang. Kaya whenever I talk in public, it always ends with my country and begins with my love for the Philippines. Iyon ang --- ‘yun man rin ang ano ko sa noong kampanya.

Now, I... Hindi ko ma --- I’m in my --- I cannot memorize all of them but I promised you during the campaign lima lang. Hindi ako nag --- lumabas sa fingers of my hands because of the time limit. I knew that it would be useless really to be --- fervors there and salita ka lang nang salita. Kaya ako ano bullet lang. As always pagka-debate noon sabi ko, “I’m through, ma’am, tapos na ako.”

One is that I promised you law and order. Well, in the process, pati na ‘yung sa Davao na, I’m now facing a criminal charge sa I --- Criminal --- International Criminal Court. Good, basta tinupad ko ‘yung trabaho, wala na akong pakialam kung ano ang mangyari sa akin.

And sa droga, huwag ka talagang magkamali diyan for as long as I am still the President. Sabi ko sa droga, the reason behind my is --- huwag mong sirain ang bayan ko. Bayan is abstract. Bayan malaman mo lang tao, may gobyerno. So ‘pag sinira mo ang bayan ko, kasi sisirain mo ang anak namin na inasahan namin na ‘pag kinabukasan will take care of us kasi hindi naman tayo mayaman lahat eh. We feed them when they are young and they would feed us when we are old.

Kaya sabi ko huwag mong sirain ang mga anak namin kasi ultin ko, p***** i** papatayin talaga kita. [laughter] Oo. Kaya kayong taga-droga, pile out. Huwag muna ngayon. Eh kung gusto mo maghintay ka. Eh dadalawang buwan na lang, I’ll be out. I’ll be happy to transfer the power to whoever you would elect as president. Iyon lang naman ang akin.

Ako na ang bahala sa kaso ko. I did it for my country. Bakit ako --- sabihin nila ako nagpapatay ako? They claim that I... Of course, eh bayan ko ito. Sabi ko wala akong ano diyan. Hindi ko na lang tagalan kasi nagkakampanya ako. Law and order tapos sabi ko ‘yung public works, so nakita na ninyo ngayon ‘yung infrastructure. Nakita mo ‘yung kayong taga-Luzon, wala nga sa Vi --- huli ang Visayas.

Sa aming subdivision noon, sementado lahat except my --- the road there where the house of my parents. Pinapahuli ko kasi ayaw ko ‘yung “inuuna niya eh Presidente.” Background lang ako, una muna. Kung may sobra, akin. Iyon lang rin ang iiwan ko sa inyo. Hindi ako ‘pag ano...

I am an Ilocano because of my grandchildren. So ‘yan ang mailabas ko na sentimiyento sa inyo. I would just read the speech kasi hindi ko naman alam kung sinong gumawa dito sa... [laughter] Nakakahiya naman, they spent time.

But wala kaming ganyan. The last time was matagal na, luma na talaga. Wala --- wala kaming ganoong palengke na kasing ganda. So it brings back something for the Da --- all, hindi lang Bico --- lahat, Ilonggo, Cebuano. Now kung mamalengke kayo, doon kayo sa Luzon, doon sa Ilocos, lalo na dito sa munisipyo [applause] kasi napakalinis at modern talaga, thanks to Mayor Chavit Singson. [applause] Ewan ko kung bakit ako ang pinili niya na magsalita dito. [laughter]

So I'll just go to the motions of --- I am just being courteous to them and I know that you are suffering from the heat of the sun.

Secretary siya ng Agriculture, si William Dar; the National Security Adviser, ang National Security Adviser ko si Secretary Esperon; then ang Presidential Adviser for Northern Luzon Lambino is an Ilocano; Senator Bong Go; Probinsyano Ako Party-list Representative Jose Singson Jr.; Narvacan Municipal Mayor and League of Municipalities National President Luis “Chavit” Singson, sir, idol kita sa lahat, [laughter] sa lahat pero ‘yung... Nagalit ‘yung anak ko the youngest, iyong acting mayor ngayon, ‘yung mag-anong joke about... Eh talagang ganoon lang ang mga lalaki. [laughter] Simples pagkasabi: ano ang nasa akin, mayroon si Chavit Singson. [laughter] But kung ano ang kay Chavit Singson, wala ako, [laughter] hindi kumpleto.

Ilocos Sur city and municipal mayors and vice mayors in attendance; Narvacan punong barangays in the attendance; Ilocos Sur Governor Ryan Luis Singson, nakita ko kanina pa eh, siya ang una kong nakilala, magkakilala kami.

Vice Governor Jeremias Singson, sir, pleased to meet you. Nakapunta ka na ba ng Davao, sir? Wala akong ganoong palengke talaga. [laughter] Kaya ayaw... Totoo naiinggit ka kasi ako I've been mayor for 23 years at seven elections. Then I became a congressman, then I became the vice mayor of my daughter, then diretso na ako sa presidency. Ayaw kong magyabang na ano, basta ‘yan ang record ko so...

Former Public Works and Highways Secretary Mark Villar; ah nandian ka pala, sorry. I should have known by what you are wearing pero nakamaskara ka kasi eh. Pero bakit namamaga ‘yung ano mo? Namamaga ‘yung dito mo? [laughter and applause] Fellow workers in government; mga kababayan.

I am pleased to join you today as we inaugurate the largest public market in Ilocos Sur. [applause]

On this opening ceremony of the Narvacan Farmers Market and Commercial Complex, we welcome the bright hopes and great opportunities awaiting the businesses and consumers not only from the Municipality of Narvacan, but also from the other neighbouring areas.

The establishment of this commercial facility is a testament to the long and worthwhile journey that your town has collectively endured in surpassing the challenges that you are confronted.

Although these unprecedented times have indeed been difficult, our unwavering commitment and resolve to ensuring the welfare of everyone has [opened] our eyes to the innovative solutions that match the emergence of the pandemic [COVID-19].

I thus congratulate the local government and its private partners for the completion of this project. Let me also commend you for integrating a sustainable energy source for the structure. Ang ganda talaga. [applause] Wala kami niyan, despite the fact that --- I mean Davao is a progressive na lugar, nandiyan na lahat. What you can find in other places, it's in Davao also.

But I --- I kind of really --- just over the head 'yung mga ganitong maliliit na bagay pero --- kagaya ng electric transportation, kagaya nitong solar system and 'yung mga... Hindi kami dumaan ng ganoon eh. Nandoon puro sasakyan. Davao is a commercial --- gumaganoon 'yan buong 24 hours, it's a busy...

Ako nagmo-motor ako. Napadaan ako dito noon. Once upon a time, dalawang beses ako nag-travel from Aparri to Davao, motor lang. Napakaganda ng lugar. I have seen places but really I have to take off my hat.

Although these unprecedeted times have indeed been difficult, our unwavering commitment and resolve to ensuring the welfare of everyone has opened our eyes to...

I thus congratulate the local government and its private partners [for] the completion. Again, I repeat, this is really for the partners and the industry of your leaders.

Even though the completion of establishments like this comes at a crucial time when the country is recovering from the setbacks brought about by the COVID-19 pandemic, I am confident that it will revitalize our local economy by showcasing local products, providing more employment opportunities, and attracting businesses in the region.

To note, the utilization of energy-saving practices in this infrastructure building will undoubtedly contribute to our country's [sustainability] goals.

The charging station for Narvacan's e-jeepneys within this facility, for instance, shall significantly reduce carbon emissions and lessen the reliance on fossil fuels for the municipality. I hope that other localities will likewise be inspired to incorporate this practice in their spaces.

Ako po'y matanda na. But lalo na kung marami 'yang girls na maganda, hindi ako nagsusuot ng ano. [laughter] Kaya minsan buhol-buhol na, nauulit ko 'yung --- nagdodoble eh.

Let us also take this opportunity to recognize the indispensable role of our farmers in ensuring that the Filipino people will have food on the table. Their efforts remain an essential component in the country's food security strategy, especially during times of great need. [applause]

With this being said, I believe that those who will use this establishment—especially our farmers—will undoubtedly thrive abundantly and propel our recovery towards the new normal.

Finally, sanda... Dahan-dahan lang ha kasi hindi lang nagdodoble ang mga g***, tumatalon pa sa papel. [laughter] Kaya paganoon-ganoon ako eh. Finally, I assure you that this administration remains hard at work in implementing programs and projects that will uplift the lives of our people.

As President, I will continue to fulfill my duties up to the last day of my term so I can leave a timeless legacy of responsive and inclusive governance to our country's next generation of leaders. [applause]

Iyong nga isa, magse-segue naman ako. Iyan pa ang isa kung bakit talagang galit ako. Hindi ko kayo niyaya na to adopt my bunganga ko, bastos talaga at ano 'yung --- a very clip salita --- kasi alam mo matanda na ako. Ngayon ko na-realize, kailan lang ako nag --- naging Presidente, 'yung tatlong nakatindig doon, kasama ko, 'yung isa tatakbo ng vice president, 'yung isa congressman naman dati, at isa 'yung the younger, 'yun 'yung acting mayor.

Nothing has really changed in this country. It's not a feudal --- it's not a feudal state, but our practices is... Alam mo kung bakit? Alam mo kung bakit tatakbo ka pa sa mayor, congressman, for potable water, for schools and bakit ano? It's because mahirap tayo na bayan at lahat doon sa kabbarangayan may nagkasakit, medisina, tatakbo sa barangay captain.

So it's a setup is really feudal. Kasi ewan ko kung anong nangyari sa atin but slow growth tayo. Iyong iba hindi na kailangan ng barangay captain, 'yung iba --- in other places, they do not even know their president. Pero tayo, tatakbo talaga tayo sa ating lider na hinalal ng bayan, ng tao. That is why there is feudalism in this country, still very much alive.

Tingnan mo ang mga leaders dito, at tingnan mo ang leaders ng lahat. 'Pag hindi ang asawa, ang anak. Kung hindi ang anak, mag-agaw ng --- mag-agaw ka ng ibang asawa gawain mo namang... May ganoon eh. 'Yung congressman, 'yung girlfriend; ang asawa na tunay, mayor. Magaling. Tapos hati-hati sila sa kung anong nandiyan sa dalawang asawa. Maganda ang --- maganda ang ginagawa natin. [laughter] Kaya lang...

Let us therefore... Alam mo, matanda --- sabi ko matanda na ako. Ang susunod sa atin iyang mga bata ngayon. Iyan ang dapat hindi mo talaga expose from any harm lalo na sa utak. You know, shabu, if you do it a year's time, it will shrink your brain. And that is why magpatay, magnakaw para lang makabili ng...

Anong...? Who gave you the right to destroy my children? Who gave you the right to des --- to put my country in a turmoil? Talagang magagalit ako maski... Walang lider na --- iyan lider na, sige, okay lang. I am not...

Noon, sabi nga nila ang namamatay panahon ni ano, dalawa, isa, isang raid. P***** i**. Kasi ang puli --- ayan buhay man 'yang mga pulis. Ang pulis noon takot sa kaso, sabihin ko sa inyo. Kasi 'pag nakahuli sila... May I... May I have about three minutes more? Oo.

Ganito 'yan eh, noong panahon ko, nagtrabaho na 'yang pulis. Kita... Huwag mong sabihin nag-abot ng 1 million addicts hindi 'yan alam ng mga pulis? Sa panahon ko, umabot sila ng ganoon. How about the others that came before? Mayroon pero alam mo ang pulis 'pag nagkakaso, the usual tactic or technique they have perfected is 'pag nahuli 'yan tapos nagkarambulan, either namaril, ang pulis ang may kaso. And they would file a trumped-up, fabricated na kaso against the police.

Ang pulis noon 'pag nagkakaso, wala ng pagkain 'yan sa... Wala na. Pamasahé sa mga bata para sa eskuwelahan, pagkain, wala na. And that is why galit sila sa bunganga ko because I said I will protect my police and military sa kaso, most especially if they are facing charges in the fulfillment of their duties.

Eh 'yung pulis na abusado, eh 'di barilin ko na lang. Bakit ko pa gawain ng --- ? Pero iyong nagtatrabaho kaya takot 'yang mga 'yan kasi... This has to be corrected before I go. Mayroon na akong draft. 'Pag nagkakaso ito, ipatawag sa NAPOLCOM, ipatawag sa Ombudsman, ipatawag doon sa iyong barangay court. They are suspended for 10 days that's the...

Ang pulis noon mabuang kung saan siya pupunta. Kaya sabi ko sa panahon, "Hirit kayo trabaho, ako ang bahala." And I would never, never, ever allow a policeman or a military man or a government functionary that would go to jail because they have performed their duties. Hindi talaga ako papayag. [applause]

Ang pulis sa Davao noon 'pag nagkakaso, ako ang... Sabihin ko, "Ilan suweldo mo? Take home." "Iyan, sir." Ako ang nagbibigay. Of course, from the Peace and Order fund. Ako ang nagbabayad ng abugado. At kung natalo, wala, abugado tayo so marami ka ng milagrong magawa. Ngayon, noong ako na ang Presidente, banat sila, trabaho-trabaho. Maraming namatay.

Ngayon itong mga komunista, sinasakyán 'yung left pati 'yung kalaban sa pulitika. "Ah Duterte," ganoon. Kaya hindi ko na inaano. 'Pag sinabing "Ah si Duterte, ganoon 'yun," totoo 'yan. "Si Duterte matatay tao," totoo 'yan. "Si Duterte apat na ang asawa," totoo 'yan. [laughter] At marami kami. Hindi lang ako pati dito sa Narvacan. [laughter and applause]

Wala akong sinasabing sino. [laughter] Iyang ang hindi ko masabi. Ngayon ko lang masabi sa inyo para maintindihan ninyo. Alam mo kung ito ang kriminal, ito ang pulis, 'pag sinabi ng pulis, "Adre, inaaresto --- I'm arresting you. Inaaresto kita." "Bakit?" "For breaking the law --- a law."

And what is next? Sabihin mo, "arestuhin kita," tapos sabihin ng kumang, "ayaw ko." The police is under obligation, mandato 'yan. 'Pag hindi nila ginawa 'yan, ang pulis magkakaso rin. So 'pag inaaresto ka, you are taking --- taken into custody. Eh may kasalanan ka na eh. 'Pag wala kang kasalanan, doon mo na sa korte isabi. 'Pag makipag-away ba, alang siya... He must now overcome the resistance of the criminal. So how? Kailangan niya lapitan because he has to bring

the criminal to the police station for recording sa blotter. Ngayon kaya 'yan nilapitan niya, kung ayaw niya, ipipilit niya. Ayan, nagdumog na.

Ngayon kung mabril, ang pulis ngayon ang kawawa. Iyan ang sinasabi ko, obligado ang pulis to bring him into custody to place him into custody. Sinabi niya "arestado ka" that is now the operative act. Tapos lapitan niya. Ang obligasyon naman ng kriminal, you must surrender kasi...

Ngayon ang nangyari, 'pag magdumog 'yan, pati 'yung mga bata, 'pag hinawakan mo ganyan. So magkakaroon ng ano dito, scratches, bruises. Pagdating doon sa istasyon, magdating itong mga human rights, "ah, human right."

How can I bring you to custody 'pag hindi kita pinilit? T*** i**. Gusto mo barilin na lang kita dito o sasama ka? Ganoon ang nangyari. So ang mga pulis noon takot. So ang ginawa ko --- itong mga pulis rin, "Sir, ipaadto na ha?" Kasi matagal talaga akong mayor. Problematic masyado sa pulis. Hindi sa ano... Ito huwag kayong mainsulto, sa totohanan lang. May mga asawa ito pero may mga babae ito. [laughter] Maniwala kayo. Sa tatlong pulis na ano? Three --- one and a half diyan, dalawa ang asawa.

Tandaan ninyo 'pag may namatay na pulis sa sakit or baril, punta lang kayo sa cemetery. Makita ninyo [mimics crying] [laughter]. Hindi, ang kilala ko 'yung legit. Oo, ganoon. Tapos may magsigaw doon "Ay!" [laughter]

Itanong ko naman, "Halika, sino 'yan?" "Sir, iyong dating --- dating asawa niya, sir." "Dalawa pala ang asawa nito?" "Oo, sir." Tapos may kabit pang isa. [laughter] Pero paganoon lang [mimics crying] [laughter] Kaya ano ang ginawa ko? Dinoble ko ang mga suweldo nito. [laughter]

Hoy, corporal o anong ranggo mo, iyang suweldo mo na totoo, ibigay mo sa asawa. Eh doblado man suweldo niya ngayon may katapat... Malaki 'yung suweldo nitong... Ang isang suweldo mo, hatiin mo sa isang kabit mo na may anak pati 'yung girlfriend mo.

Maghanap ka dito sa --- sa siyudad, saan naka-parking 'yung patrol? Kung saan 'yung mga barbar, nandoon 'yung mga buang. [laughter] Kaya sa Davao sinusuntok ko --- sinusuntok ko, binababa ko, p***** i** ka. Kasi doon sa bar 'yung pinakamaganda, 'yun 'yung sa pulis kasi 'yan may baril. [laughter] Tigas-tigasan. Pati 'yung magkaribal, sino 'yan? Eh may mga mayaman, iyan kay lieutenant ano 'yan, kay captain... Iyan, kaya magulo ang buhay ng mga y***.

So that's about the message na ano, 'yung maintindihan ninyo 'yung law and order.

Let us therefore utilize the remaining months and days of this administration to bring about real, positive and meaningful change in our society. Maraming salamat po. [applause]

Huwag kang magalit, sir, ha. Totoo lang 'yung --- 'yung tao. [laughter]

[President Duterte returns to the podium.]

Bakit alam ninyo ang mga military wala masyado? [laughter] Totoo. I'll give you the contrast kung bakit. Ang army, 'pag striktong camp sa --- hindi ka nakakalabas ng kampo. Kaya ang maano ninyo 'yung nagtitinda sa loob sa sari-sari store diyan sa... [laughter]

--- END ---